

說部叢書第三集第十六編

黑偉人

上卷



說 小 會 社

天囚懺悔錄

大本 五角
小本 一角半

是書叙一人誤殺其友出亡天良受種種苦惱後流落荒島力自懺悔改行爲善其間叙航海竟藏金及孤島中生活以及男女愛情筆意極佳

塊肉餘生述

前編 大本 一元 小本 四角
續編 大本 二角 小本 四角

此爲迭更司第一得意之作叙一遺腹孤嬰自述其遭後父虐待困苦顛連莫可告訴林琴甫先生譯成中文每讀一過令人歌泣不能自己

賊

史

小本 一元
大本 四角

此書述一孤兒生長卑田院中備受凌虐又誤入賊窟被脅學法竊術復爲其異母兄謀奪遺產設計陷害歷盡艱辛終得拯救原書極力抉摘下等社會之積弊語重心長

蠹情記

一角 五分

專描寫社會男女情狀種種醜惡形態活現紙上譯筆半嘲半諷亦莊亦諧

各 種 社 會 小 說 目 錄 下 列

脂粉議	俠女破奸記	城中鬼域記	彗星墜塔錄	笑裏刀	續笑笑裏刀	樹穴金	銅圓雪恨錄	博徒別傳	白頭少年	孤星淚	教育電影樓臺	冰藥餘生記	蛇女士傳	蘆花餘孽	苦海餘生錄	巴黎繁華記	雪花生園	世界著名之大騙子
員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒	員林軒
大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角	大本 四角
小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角	小本 一角
二角	二角	二角	二角	二角	二角	二角	二角	二角	二角	二角	二角	二角	二角	二角	二角	二角	二角	二角
三角	三角	三角	三角	三角	三角	三角	三角	三角	三角	三角	三角	三角	三角	三角	三角	三角	三角	三角

黑偉人卷上

第一章

予生而爲奴隸。生年不可詳。大約是一千八百五十五年或其翌年。月日維何。更不省矣。幼時家於弗蘭克林郡之一殖民地。隸費基尼亞省。住址今既模糊。但憶去吾家不遠。有一十字街。名海而斯福德。其間有一郵政局在焉。所最印人腦際者。則我殖民地內有一奴隸區。凡吾黑人。概齋居於此。

自予有生之始。卽以淒涼愁慘之氣象。環蔽吾躬。雖然。此非見虐於主人之謂。予生家諸人。寧是溫厚一流。與其他白人。不倫也。

祖先輩。予都茫然。曩在奴隸區時。曾聞人言。曩自非洲來美。中途遇難。顧亦不遑。僑證。蓋當年爲奴隸者。本無一人。措意家乘也。所猶髣髴能道者。則予母。

似尙有異母兄弟二人。母以何時鬻於主家。而至弗蘭克林。則不悉微聞。主家買吾母時。人都以爲增殖財產。直牛馬視之矣。知予父者。宜莫若母。願詢母以父名。母不能答。第云當是附近殖民地之一白人。且不論何故。父絕不愛予。於養育予身事。置不問。然不能以是謂父不慈。蓋當時隄於奴制。吾父亦遭際不幸者。縱欲用其愛而不能也。

吾儕所居屋。闊僅十六方尺。許低可打頭。予與吾母及兄約翰妹曼陀凡四人。寢於斯。食於斯。自放奴令未頒以前。未一日離此也。室無窗。僅鑿壁爲孔。恃以透光。居嚴冬。朔風直射。砭膚欲裂。扉則削薄板爲之。綰以鐵鉸。微掀且仆。聊以別內外而已。未可稱門戶也。牆之右隅有穴。當時費基尼亞人家。罔不有此。大者可方七八寸。蓋夜間以便貓出人者。予家胡以有此穴。初頗不解。後見諸別家。始恍然。室以內皆泥土。安所得地板。中央有一窖。大如桶。蓋入冬。儲山芋。

於此此窘。最令予不能忘。蓋予母每啟窖出納山芋。予輒請於母分得一二。煨而食之。彼時固以爲大樂也。炊爨之役。母獨任之。顧室無爐竈。第於戶外砌石支釜。拾柴薪焚之。冬則風雪打頭。夏則炎日炙背。煙燄眯目。炊於斯者。苦可知矣。

予寓此小屋時。雖云顛沛。顧未至轉鬻於別家而遠離母側。固大幸事也。吾母深愛兒女。雖終日勞碌。無片刻休而朝夕之際。猶必偷數分時留意兒輩身上。事猶憶某夕。予與兄妹都熟睡矣。母忽促吾曹起。言灼雞已熟。可共食。雞何自來。不可知。大抵取諸主家庭園者。人見之。必目爲竊。倘在今日。予心亦將不安。而當時恬不之怪者。則奴隸制度使然也。放奴令未頒以前。予未嘗一夕臥於牀。兄弟姊妹數人。皆敷藁於地。以爲茵褥。去牛馬無幾矣。頃者有人叩予幼年作何遊戲。經此一詰。始恍然於予之一生。未嘗遊戲之。

況味也。憶自解事以來。無晝無夜。既執勞役。嗟嗟。使予而耽遊戲者。今亦碌碌以終耳。爾時年幼。力孱。固不能任難負重。然一日之中。必以幾許時力作於場圃。爲藝草。勸泥之事。時或挈瓶汲水。攜至田間。以餉耕者。又一週之中。駕板車運玉蜀黍者。必一次去家三英里。許車笨且狹。積巨袋於車。跨車脊者。過半。予僅蹲踞一側。而左右重量不均。車屢敲側。玉蜀黍之袋自高而墮。人亦俱墮。予尙幼。勢不能肩此重袋。更載之車。則惟啼泣立道旁。待行人而籲助。往往待久無人。馬且奔軼。控勒無術。既慮車損。又虞玉蜀黍爲車馬所碾。軋皇惑之。狀匪可言。喻幸而獲相助者。則歸時已晚。涂人絕跡。子影覓覓。淒寂滿目。尤窘予者。歸時必道出一森林。平日聞人言有逃兵一隊。潛伏林間。見黑人兒童。卽挾刀躍出。割耳以去。爾時童心過此。輒惴惴幾於毛戴。膚栗比抵家。饑疲交迫。乃又以遲歸。見詈鞭笞。且及背矣。

昔爲奴隸者不獲足履校門教育之澤。非當時吾黑人所能夢想也。主家有女公子赴讀者。予以主人命挾書囊伴送。及門而返。其時見男女童多人昂然聯袂入門。去輒佇立。癡望意謂有生之日得踰此闕一步者。雖登天國蔑以易茲樂也。

憶得某日之晨。母召予與兄妹至膝前。命偕禱於神。以祝林肯之戰捷。薪家人之自由。予之自知身爲奴隸。且知世有所謂放奴論。其以此時始乎。往者放奴之說。喧騰全國。而吾黑人目不識丁。字懵不知。有是事者。比比皆然。顧其後額利森雷維佳諸名士所至鼓吹自由。吾南美黑奴亦漸警覺。方戰事正熾時。予猶髻鬢頻見。鄰近黑人來與吾母談放奴事。迄夜分不輟。知吾黑人之於斯時已自明其地位。且於所謂葡萄蔓電報 *Grape-vine Telegram* 一語亦了了矣。南北交綏以來。無遐邇。無城鄉。雖汽車所不達。報紙所不屆。靡不知有未來總

統林肯其人者。其宣言書之所謂。婦孺都解。縱至憤憤。亦知斯役爲黑奴而起。南軍戰捷。卽吾儕自由之根苗。觀黑人之得捷音。有轉先於主家者。其傾心於前敵之勝負。可謂專矣。蓋吾曹所居地較僻陋。郵局分遞信札。僅每週一二次。士家有遺奴赴郵局探問書信者。伊等輒褻裒其間。竊聽白人語。偶獲一二消息。輒於歸途。覓黑人而遍告之。宜其聞耗獨早也。

予幼年。從未有舉家共食之一日。就餐以前。亦不解禱祝上帝。其他一切禮貌。更無論已。黑人兒童。大抵挾持麵包一片。或山芋數枚。或牛乳一杯。且食且嬉。胡亂吞啖。亦有据鍋於膝。探手入鍋而納諸口者。有兀立爐竈前。未及其熟。揭鍋蓋而攫食者。刀匕之屬。莫或備也。

某時主家以盛夏會食。命予曳風扇爲驅蠅蚊。時予年稍稍長矣。席中諸人有語涉自由或戰事者。予傾耳樂聽之。轉因是忘勞焉。又憶一日主家兩女公子。

與客列坐於庭。出糖果數事共食。予旁視而甘之。謂他時倘爲自由之身。獲如諸人。今日飽飫珍味。於願足矣。迄於今。回溯童年心事。猶不禁啞然。

戰事久未決。吾鄉白人。雖夙稱殷富者。亦漸以飲食不繼爲虞。而吾黑人轉坦然焉。蓋黑人居海所食。不外玉蜀黍。山芋之屬。取自田間。不慮匱乏。而白人慣食之。咖啡。茶。糖等。非本地所產。戰事方酣。道涂梗阻。又不能多屯積。用是大窘。至有炒焦玉蜀黍。以代咖啡者。有時飲茶。若咖啡。糖不可得。則稍稍滴入黑蜜而已。

時黑人所著鞋。都以木爲之。趾高寸許。僅裁粗革半蒙其端。舉步蹣跚。聲橐橐。刺耳。雨天行遠。尤憚苦之。然予以爲木鞋之苦。尚可強忍。最爲吾黑人悲者。莫麻衣。若費基尼亞。產麻而無大用。黑人利其值廉。組以爲衫。予未成人時。始終常服此衣。乍著。膚恰如裸。臥栗毯中。鍼芒攢逼。奇痛百狀。矧予體孱弱。益難禁。

受顧舍。是無可衣者。公然爲裸程之醜態。又雅所不欲。則亦姑安之。今日回首。以思祇覺此境。此情歷歷在目也。所可感者。予兄約翰。長予纔五六歲。而其憐愛予。予或衣敝。不可御。將易新衣。兄卽先爲予衣之。逾數日。麻縷稍稍柔。然後以授予。

或疑吾黑人遭際困苦。若斯宜其嫉視白人。然不盡爾也。南美一帶黑人寧心德故。主家相遇。亦未爲不厚戰事。旣興。白人攬甲荷戈而赴疆場者。非吾黑人之爲。而誰爲乎。予之主家時亦從軍。厥後戰死者一。負重創者二。死者曰瑪司璧。禮性慈祥。其幼時見奴輩受笞責者。輒婉請於乃父。爲寬赦之一日。噩耗傳來。足家奴隸齊聲哀惋。若傷骨肉。此中有曾爲之哺乳者。有常伴之嬉游者。無惑乎悲從中來。不能自抑也已。而其家兩弟負傷昇歸。羣奴之忭戚無殊於前事。或助主家諸人調羹進藥。奔走不息。或徹夕當直。竭忱將護。謂非主人盛

德。曷。克。召。此。此。不。惟。予。主。家。然。也。是。時。凡。白。人。出。征。者。家。中。婦。孺。全。恃。黑。奴。匡。助。晝。則。執。爨。夕。則。直。宿。設。遇。暴。客。謀。不。利。於。主。家。則。有。不。避。金。刃。奮。身。格。鬪。者。若。斯。忠。誠。者。流。固。不。可。多。得。然。謂。悻。義。辜。恩。之。舉。黑。奴。中。無。一。人。焉。予。敢。謂。其。言。信。也。

軍。興。以。來。白。人。以。家。道。中。落。轉。受。助。於。黑。人。者。蓋。亦。有。之。南。殖。民。地。之。富。家。子。孫。每。緣。嗜。酒。耽。博。迄。於。一。貧。如。洗。而。舊。時。奴。隸。感。念。其。先。澤。不。憚。於。艱。難。困。頓。之。中。勉。力。資。助。或。餽。以。肉。或。貽。以。茶。若。咖。啡。明。知。力。薄。物。菲。於。主。家。無。濟。而。出。之。貧。奴。良。足。多。矣。

邇。者。予。赴。鄂。哈。俄。省。之。一。都。會。晤。舊。友。某。與。談。往。事。謂。吾。黑。奴。無。悻。德。者。可。以。此。君。事。徵。之。友。亦。黑。人。羣。居。費。基。尼。亞。距。頒。行。放。奴。令。兩。三。年。前。其。主。人。與。有。約。謂。倘。願。償。金。若。干。分。歲。措。納。則。任。其。徙。居。別。地。擇。主。而。事。某。聞。鄂。哈。俄。省。牟。

利易因往焉。逮放奴令既下。某按約。猶負主家金三百。據功令。則奴隸之與舊主。一切關係。都已斷絕。而某卒躬返費基尼亞。悉舉子母償其主人。友語予。當時明知此金可不償。特不忍背約。謂苟一日負債者。終不能獲自由之心地也。人或言。吾黑人中有不解希冀自由者。是實誤。想不真解自由者。容或有之。謂願再爲奴隸。固斷斷乎無是人矣。

予之愛我同胞。黑人情由乎中。而亦不以曾爲奴隸。故稍有怨懟。南部白人之心。推諸全美人民。予亦居心如是。且寧以爲美國政府保護吾黑人。始終盡力。非故作冠冕。語實深信。共和國。苟有讎視異族之萌芽。潛伏於其間。則前程之危難。將有不可挽回者。今也去種族之偏見。而以公平坦白之心。地言之。則美洲數億同胞。甚雖不幸淪於窳陷。而受貶亦多。今吾美洲黑人。於道德。於宗教。於知識。將又於物質文化。厚望方長。觀其頻年東渡非洲。爲吾祖國同胞開

拓文化有明徵也。予爲斯言。非左袒奴隸制度。美洲之有奴隸。實緣富而不仁之輩。貪緣私利。此無可諱者。雖然。烏知非造物愛人。巧用此制度。以鞭策吾儕之猛進也。耶。有某君者。時太息美國奴隸之將來。嗒然若喪。因語予曰。前途冥冥。安所得光明之望者。予則應之曰。惟主慈悲。終必導引吾曹脫此九幽而登彼岸。

自予知有身世之感以來。遭際連連。亦云至矣。顧予泰然處之。以爲白人當年視吾奴隸生涯。相去當無幾。吾輩迹其後而進者。則夫出死入生之日。或不遠耳。且深而察之。奴隸制度。詎惟貽害白人。凡我殖民地。亦靡不隱遭其荼毒。習見任勞役者。無往非賤民。則上級人士。遂視勞役爲可恥。而相率惰佚。予之主家有男子多人。以予所知。無一能營商工業者。其女公子輩。不解烹飪。不諳鍼黹。董理家政。更無論已。門以內鉅細諸務。一委諸奴隸手。而凡爲奴隸者。流離

餘生意興頽喪。迫於主命。求免愆尤。之不暇。那能聚精會神。進而爲整飭計。以是之故。窗敞不繕。垣圯不修。庭草礙人。蛛網當戶。日用器物。任人浪費。鮮過問者。主家固殷富。殺饌之精美。無待言。然欲於几席間。求一純潔圓滿之家庭。風味不可得也。若吾黑人。習於勞苦。敏於手藝。視一切力役。爲分內事。故放奴以還。能獨立治生。而堂堂乎立足於新天地者。所在有之。僅僅不讀書。與無兩產。二事。視白人。有媿色耳。而舊主及其子孫。安佚性成。一朝失人。驅使轉有窮蹙不堪者矣。

戰事漸定。衆知放奴盛舉。計日不遠。於時盼望自由。甚於飢渴之待解。顧所謂自由者。迺如神龍在空。盤旋天矯。欲卽復離其間。士卒之逃亡者。解伍者。日絡繹過境。所謂葡萄蔓電報。轉輾紛傳。忽訛言北部白人。將來襲吾殖民地。白人之家。率收拾珍物。匿諸森林間。托誠實黑奴。日夕輪守。若吾黑人。則各以保護。

主。家。物。爲。志。舉。所。有。糧。食。衣。服。悉。委。於。室。若。甘。待。央。克。（指初至新英蘭省之殖民此則謂北部白人也）之擇取不稍惜焉。若是者數月。謠詠旣息。放奴之期益近。黑人興益豪。往往高歌過市。禱祝自由。迄於深夜。先是黑人所歌亦有暗含自由之意者。然皆託言來世。聊以自慰。今也不然。肉體之自由。今生之自由。公然形諸齒頰矣。

當宣示放奴令之一日。我殖民地大有莊嚴絢爛之觀。吾曹所爲沒齒弗忘者。其此日乎。先夜黑人已有風聞。知主家將以明日召奴隸言事。雖未審其詳。然人人意中都料爲放奴故。是夕各以無窮冀望。縈繞於胸臆。轉至五中。假擾徹旦。不成眠。遲明。公然奉主人命。無老幼男女。當齊詣。予兄弟姊妹。乃亦尾予母往。至則見主家諸人。掇椅坐廊下。瞻其色。似亦欣欣然。而一種怛惻之情。時復流露。不能自抑。夫其所以戚戚者。固非謂放免奴隸。有損資產。誠亦以多年所

撫育者一朝別去情實難堪也已而有狀似美國官吏者一人出立階前略與衆爲禮旋探懷出長幅朗誦一過其時予不解云何然以意度之知卽放奴之宣告書也其人讀竟旋謂衆曰爾曹今爲自由之身欲爲往者任白擇之予母立予旁喜極而涕俯與予輩接吻淚珠濡予頰繼復以所聞於美國官吏者爲兒輩解說噫嘻此吾曹所夢寐以求而不可必得者不圖及身親見之樂何如也。

是日也吾黑人歡樂之情如飈起潮湧有所禱者有感謝者有高歌者有歡呼萬歲者幾於手舞足蹈不能自制然依戀舊土各有無限淒愴之色則人人所同也抑聞之樂之所至憂亦隨之由來已然比各散歸兀坐斗室中靜念身世則又百感交集憂從中來自由入吾手矣而責任亦墮吾肩奚以瞻吾身奚以治吾家奚以教養吾子女奚以無忝厥公民權奚以建設教會而維繫之於勿

替凡是諸大端。彼盎格魯薩克遜人。數百年間。所相與腐心。嘔血而苦不得的。解者。一日橫互目前。促令裁會。此正如黃口之兒。驟弛羈勒。而投身濁世之湍流。其不至左訛右支。手足罔措者。幾許人耶。以是一片狂喜之心。不逾數時。倏化爲陰雲闇霧。以籠罩我奴隸區。憂樂無方。聆予言者。庸以爲異。然當時實況。却是如此甚矣。自由之爲物。洵如絕世麗姝。綽約獨立。許人以遐思冥想。而不易親昵。鄉澤有如此也。時奴隸中。亦有行年垂暮。既不能新闢生涯者。此輩已如春後之花。萬事都了。縱令金穴在望。徒喚奈何。故方是時。轉無所用。其念慮矧伊等數十年來。與其主家夫婦。或其子女旦夕聚首。安忍言別。則亦依傍故主了此餘生而已。故不出數日。卽有仍詣主家。熟籌後計者。

第二章

放奴而後南美黑人。有不謀而合者二事。易名與徙居是也。衆意以舊主之姓